

պատում եղած արձանագրութիւնները, որոնք պատկանում են՝ հնագույնը, 1021-ին, իսկ վերջինը՝ 1040-ին, բայց թագավորի անվան գրերի գծագրութիւնը պարզ չլինելու պատճառով զգուշացանք լրացնել այդ անունը:

4. Թեև վիճական արձանագրութիւնների մեջ Արշակունեաց բառը երբեմն հանդիպում է առանց ր գրի, ինչպես այս արձանագրութեան մեջ է, որ մասնանիշ է անում այդ ձևով արտասանված լինելը, բայց այդ բառը 5-րդ տողում գրինք Արշակունեաց ուղիղ ձևով:

2. Աստվածածին Եկեղեցու ամ պատին դրսից, այժմ ժամասան մեջ

ԺԲ դարի վերջերքը և ԺԳ դարի սկզբները

Հրատարակվում է առաջին անգամ

- 1 Յանուն Ա՛յ գրեցաք
- 2 գծառզարդարին աւ-
- 3 ուր ժամն Սարգսի՛
- 4 Վաչուտին որդոյն,
- 5 արդեամբ դատեր
- 6 իւրո Վանենի: Ով
- 7

Մանրութիւն.— 1. Արձանագրութիւնը խիստ մաշված է և ժամատունը շինելուց հետո նրա բովանդակութիւնը փորագրել են վերջինիս կամարներից մեկի վրա: Տես արձ. № 54:

Այստեղ ուշադրով է այն, որ հնում, ինչպես երևում է այս օրինակից, արձանագրութիւնը նոր տեղում փոխադրել են ոչ թե նույնութեամբ, այլ ազատ կերպով, նրա միտքը շարադրելով իրենց ուղած բառերով:

2. Ավագ Վաչեի որդի Սարգսից մինչև այժմ մեզ ոչ մի արձանագրութիւն ծանոթ չէր: Տարբեր տեղերում պահպանվել են մի քանի արձանագրութիւններ Սարգսի որդի Վաչեին պատկանող, որոնք վերաբերում են՝ 1213 թ. (Կեչառուք), 1215 (Սաղմոսավանք), 1217 (Հովհաննավանք), 1220 (Հաղբատ), 1221 (Հառիճ), 1229 (Հոռոմոս), հետևապես այս Վաչեի հայրը պետք է ապրեր 12-րդ դարի վերջերքին և 13-րդի սկզբներին:

Բ. ԱՄԵՆԱՓՐԿԻՉ ԵԿԵՂԵՑԻ

3. Ամենափրկչի ան նակասին դրսից, Սմբատ Տիեզերակալի եւ Կյուրիկե առաջինի ֆանդակների գլխին

(Լուս. № 23)¹

Ժ դարի 80-ական թվականներ

Հրատարակված է՝ Հար 293, Լալ 384, Մով 32

Կիւրիկէ թագաւոր, Սմբատ թագաւոր:

¹Տե՛ս էջ 44: